



稼軒長短句卷之十一

歷城辛棄疾湯著

大梁李灑批評

歷城王詔校刊

菩薩蠻

金陵賞心亭爲葉丞相賦

李評曰妙絕

青山欲共高人語。聯翩萬馬來。無數烟雨却低回。望

來終不來。人言頭上髮。總向愁中白。拍手笑沙鷗。
一身都是愁。

用前韻

李評曰亦妙

錦書誰寄相思語。天邊數徧飛鴻數。一夜夢千回。梅
花入夢來。漲痕紛樹髮。霜落瀟湘白。心事莫驚鷗。
人間千萬愁。

又

江山病眼昏如霧。送愁直到津頭路。歸念樂天詩。人

生足別離。雲屏深夜語。夢到君知否。玉筯莫偷垂。
斷腸天不知。

書江西造口壁

李評曰膾炙今古

鬱孤臺下清江水。中間多少行人淚。西北是長安。可
憐無數山。青山遮不住。畢竟東流去。江晚正愁余。
山深聞鷓鴣。

又

西風都是行人恨。馬頭漸喜歸期近。試上小紅樓。飛

鴻字字愁 闌干閑倚處 一帶山無數 不似遠山橫
秋波相共明

又

功名飽聽兒童說 看公兩眼明如月 萬里勅燕然 老
人書一編 玉階方寸地 好趁風雲會 他日赤松游
依然萬戶侯

送祐之弟歸浮梁

李評曰佳

無情最是江頭柳 長條折盡還依舊 木葉下平湖 雁

來書有無 雁無書尚可 好語憑誰和 風雨斷腸時
小山生桂枝

送鄭守厚卿赴闕

送君直上金鑾殿 情知不久須相見 一日甚三秋 愁
來不自由 九重天一笑 定是留中了 白髮少經過
此時愁奈何

送曹君之莊所

人間歲月堂堂去 勸君快上青雲路 堅處一燈傳 工
夫螢雪邊 麴生風味惡 辜負西窗約 沙岸片帆開

寄書無鴈來

席上分賦得櫻桃

香浮乳酪玻璃盃。年年醉裡嘗新慣。何物比春風。歌唇一點紅。江湖清夢斷。翠籠明光殿。萬顆瀉輕勻。低頭愧野人。

賦摘阮

阮琴斜挂香羅綬。玉纖初試琵琶手。桐葉雨聲乾。珍珠落玉盤。朱絃調未慣。笑倩東風伴。莫作別離聲。且聽雙鳳鳴。

雪樓賞牡丹席上用楊民瞻韻

紅牙籤上群仙客。翠羅蓋底傾城色。和雨泪闌干。沉香亭北看。東風休放去。怕有流鶯訴。試問賞花人。曉粧勻未勻。

和盧國華提刑

旌旗依舊長亭路。尊前試點鶯花數。何處捧心顰。人間別樣春。功名君自許。少日聞鷄舞。詩句到梅花。春風十萬家。

卜筮子

尋春作

脩竹翠蘿寒。遲日江山暮。幽徑無人獨自芳。此恨知
無數。只共梅花語。懶逐遊絲去。着意尋春不肯香。
香在無尋處。

為人賦荷花

粉靚梳粧。翠蓋低風雨。占斷人間六月涼。明月鴛
鴦浦。根底藕絲長。花裡蓮心苦。只爲風流有許愁。
史觀佳入步。

聞李正之茶馬計音

李評曰識盡世情方有此語

欲行且起行。欲坐重來坐。坐坐行行有倦時。更枕閑
書卧。病是近來身。嬾是從前我。淨掃瓢泉竹樹陰。
且恁隨緣過。

飲酒

李評曰奇古之作

盜跖儻名丘。孔子如名跖。跖聖丘愚直到今。美惡無
真實。簡策寫虛名。螻蟻侵枯骨。千古光陰一霎時。
且進杯中物。

用莊語

李評曰佳

一以我為牛。一以我為馬。人與之名。受不辭。善學莊周者。江海任虛舟。風雨從飄瓦。醉者乘車墜不傷。全得於天也。

漫興三首

李評曰此以下三闕皆佳

夜雨醉瓜廬。春水行秧馬。點檢田間快活人。未有如翁者。掃秃兔毫錐。磨透銅臺瓦。誰伴楊雄作解朝。

烏有先生也

又

珠玉作泥沙。山谷量牛馬。試上累累丘壠看。誰是強梁者。水浸淺深簷。山壓高低瓦。山水朝來笑問人。翁早歸來也。

又

漢代李將軍。奪得胡兒馬。李蔡為人在下中。却是封侯者。芸草去陳根。篋竹添新瓦。萬一朝廷舉力田。舍我其誰也。

用韻答趙晉臣數文趙有真得歸方是閑堂
百郡怯登車。千里輸流馬。乞得膠膠擾擾身。却笑區
區者。野水玉鳴渠。急雨珠跳瓦。一榻清風方是閑。
真是歸來也。

又

萬里只浮雲。一噴空凡馬。嘆息曹瞒老驥詩。伏櫪如
公者。山鳥啼窺簷。野鼠飢翻瓦。老我癡頑合住山。
此地菟裘也。

齒落

剛者不堅牢。柔的難摧挫。不信張開口角看。舌在牙
先墮。已闕兩邊廂。又豁中間箇。說與兒曹莫笑翁。
狗竇從君過。

飲酒成病

一箇去學仙。一箇去學佛。仙飲千杯醉似泥。皮骨如
金石。不飲便康強。佛壽須千百。八十餘年入涅槃。
且進杯中物。

飲酒不寫書

一飲動連宵。一醉長三日。廢盡寒溫不寫書。管里負何

由得請看塚中人。塚似當時筆。萬札千言只恁休。
且進杯中物。

醜奴兒

醉中有歌此詩以勸酒者聊彙括之

李評曰佳

晚來雲淡秋光薄。落日晴天。落日晴天。堂上風斜畫
燭烟。從渠去買人間恨。字字都圓。字字都圓。腸斷
西風十四絃。

又

尋常中酒扶頭後。歌舞支持。歌舞支持。誰把新詞喚
住伊。臨岐也有傍人笑笑。已爭知。已爭知。明月
樓空燕子飛。

書博山道中壁

李評曰亦佳

烟蕪露艾荒池柳。洗雨烘晴。洗雨烘晴。一樣春風幾
樣青。提壺脫袴催歸去。萬恨千情。萬恨千情。各自
無聊各自鳴。

又

此生自斷天休問。獨倚危樓。獨倚危樓。不信人間別
有愁。君來正是眠時節。君且歸休。君且歸休。說與
西風一任秋。

又

少年不識愁滋味。愛上層樓。愛上層樓。爲賦新詞強
說愁。而今識盡愁滋味。欲說還休。欲說還休。却道
天涼好箇秋。

又

近來愁似天來大。誰解相憐。誰解相憐。又把愁來做

箇天。都將今古無窮事。放在愁邊。放在愁邊。却自
移家向酒泉。

和鉛山陳簿韻二首

鷺湖山下長亭路。明月臨關。明月臨關。幾陣西風落
葉乾。新詞誰解裁冰雪。筆墨生寒。筆墨生寒。會說
離愁千萬般。

又

年年索盡梅花笑。踈影黃昏。踈影黃昏。香滿東風月
一痕。清詩冷落無人寄。雪艷冰魂。雪艷冰魂。浮玉

溪頭烟樹村

浣溪沙

湯興作

李評曰不勝感愴

未到山前騎馬回。風吹雨打已無梅。共誰消遣兩三
杯。一似舊時春意思。百無事處老形骸。也曾頭上
戴花來。

黃沙嶺

寸步人間百十樓。孤城春水一沙鷗。天風吹樹幾時

休。突兀趨人山石狠。朦朧避路野花羞。人家平水
廟東頭。

壽內子

壽酒同斟喜有餘。朱顏却對白髭鬚。兩人百歲恰乘
除。婚嫁剩添兒女拜。平安頻拆外家書。年年堂上
壽星圖。

瓢泉偶作

新葺茆簷次第成。山恰對小窻橫。去年曾共燕經
營。病却杯盤甘止酒。老依香火苦翻經。夜來依舊

管絃聲

壬子春赴閩別瓢泉

李評曰佳

細聽春山杜宇啼。一聲聲是送行詩。朝來白鳥背人飛。對鄭子真富石卧。赴陶元亮菊花期。而今堪誦北山移。

常山道中即事

李評曰亦佳

北隴田高踏水頻。西溪木早已嘗新。隔牆沽酒煮纖

鱗。忽有微涼何處雨。更無留影霎時雲。賣瓜人過竹邊村。

借杜叔高吳子似宿山寺戲作

李評曰更佳

花向今朝粉面勻。柳因何事翠眉顰。東風吹雨細於塵。自笑好山如好色。只今懷樹更懷人。閑愁閑恨一翻新。

又

歌串如珠箇箇勻。被花勾引笑和顰。向來驚動畫梁

塵 莫倚笙歌多樂事。相看紅紫又拋人。舊巢還有
燕泥新。

又

父老爭言雨水勻。眉頭不似去年顰。殷勤謝却甌中
塵。啼鳥有時能勸客。小桃無賴已撩人。梨花也作
白頭新。

別杜叔高

李評曰別懷婉調

這裡裁詩話別離。那邊應是望歸期。人言心急馬行

遲。去馬無憑傳錦字。春泥抵死污人衣。海棠過了
有荼蘼。

席上趙景山提幹賦溪臺和韻

臺倚崩崖玉滅痕。青山却作捧心顰。遠林烟火幾家
村。引入滄浪魚得計。展成寥闊鶴能言。幾時高處
見層軒。

又

妙手都無斧鑿痕。飽參佳處却成顰。恰如春入浣花
村。筆墨今宵先有艷。管絃從此悄無言。主人席次

兩眉軒

種松未成

草木於人也作疎。秋來咫尺異榮枯。空山歲晚孰華
余。孤竹君窮猶抱節。赤松子嬾已生鬚。主人相愛
肯留無。

種梅菊

李評曰佳

百世孤芳肯自媒。直須詩句與推排。不然喚起酒邊
來。自有陶潛方有菊。若無和靖即無梅。祇今何處

向人開

別澄上人併送性禪師

梅子生時到幾回。桃花開後不須猜。重來松竹意徘徊。
慣聽禽聲應可諳。飽觀魚陣已能排。晚風挾雨
喚歸來。

添字浣溪沙

答傅崑叟酬春之約

艷杏夭桃兩行排。莫攜歌舞去相催。次第未堪供醉
眼。去年栽。春意纔從梅裡過。人情都向柳邊來。心

尺東家還又有海棠開

用韻謝傅嵩叟瑞香之惠

句裡明珠字字排多情應也被春催
惟得名花和泪送雨中栽
赤脚未安芳斛穩娥眉早把橘枝來
報道錦薰籠底下麝臍開

三山戲作

李評曰奇絕

記得瓢泉快活時
長年耽酒更吟詩
驀地捉將來
斷送老頭皮
透屋人扶行不得
閑窻學得鷓鴣啼
却

有杜鵑能勸道不如歸

又

日日閑看燕子飛
舊巢新壘畫簾低
玉曆今朝推戊巳
却啣泥
先自春光留不住
那看更着子規啼
一陣晚香吹不斷
落花溪

與客賞山茶一朵忽墮地戲作

酒面低迷翠被重
黃昏院落月朦朧
墮髻啼粧孫壽
醉泥秦宮
試問花留春幾日
畧無人管雨和風
瞥向綠珠樓下見
墜殘紅

簡傅嵒叟

李評曰妙思

總把平生入醉鄉。大都三萬六千場。今古悠悠多少事。莫思量。微有夢寒春雨好。更無尋處野花香。去年來。還又笑。燕飛忙。

用前韻謝傅嵒叟餽名花鮮簞

楊柳溫柔是故鄉。紛紛蜂蝶去年場。大率一春風雨事。最難量。滿把攜來紅粉面。堆盤更覺紫芝香。幸自麴生閑去了。又教忙。纔止酒。

病起獨坐停雲

強欲加餐竟未佳。只宜長伴病僧齋。心似風吹香篆過。也無灰。山下朝來雲出岫。隨風一去未曾回。次第前村行雨了。合歸來。

虞美人

賦茶藤

李評曰佳

群花泣盡朝來露。爭奈春歸去。不知庭下有茶藤。偷得十分春色。怕春知。淡中有味清中貴。飛絮殘紅。

避露華微浸玉肌香。恰似楊妃初試出蘭湯。

壽趙文鼎提舉

李評曰亦佳

翠屏羅幙遮前後。舞袖翻長壽紫髯冠佩御爐香。看
取明年歸奉萬年觴。今宵池上蟠桃席。咫尺長安
日。寶烟飛焰萬花濃。試看中間白鶴駕仙風。

用前韻

一杯莫落他人後。富貴功名胸中壽。書傳有餘香。寫
蘭亭小字記流觴。問誰分我漁樵席。江海消閑日。

看着天上拜恩濃。却怕書樓無處著春風。

賦虞美人草

李評曰善詠物

當年得意如芳草。日日春風好。拔山力盡忽悲歌。飲
罷虞兮從此奈君何。人間不識精誠苦。負着青青
舞。驀然斂袂却亭亭。怕是曲中猶帶楚歌聲。

浪淘沙

山寺夜半聞鐘

李評曰老筆

卷十一 十六
身世酒杯中。萬事皆空。古來三五箇英雄。雨打風吹
何處是。漢殿秦宮。夢入少年叢。歌舞匆匆。老僧夜
半誤鳴鐘。驚起西窗。眠不得。捲地西風。

賦虞美人草

李評曰妙絕

不肯過江東。王帳匆匆。只今草木憶英雄。唱着虞兮
當日曲。便舞春風。兒女此情同。往事朦朧。湘娥竹
上泪痕濃。舜目重瞳。堪痛恨。羽又重瞳。

送吳子似縣尉

金玉舊情懷。風月追陪。扁舟千里與佳哉。不似子猷
行半路。却棹船回。來歲菊花開。記我清杯。西風鴈
過鎖山臺。把似倩他書。不到好與同來。

減字木蘭花

宿僧房有作

李評曰佳

僧窻夜雨。茶鼎熏爐。宜小住。却恨春風勾引詩來。惱
殺翁。狂歌未可。且把一尊料理。我到亡何。却聽
農家陌上歌。

又

李評曰亦佳

昨朝官告。一百五年村父老。更莫驚疑。剛道人生七十稀。使君喜見。恰限華堂開壽宴。問壽如何。百代兒孫擁太婆。

長沙道中壁上有婦人題字。若有恨者用其意爲賦。

李評曰此老狂能。不覺自露。

盈盈汨眼。往日青樓天樣遠。秋月春花。輸與尋常姊。

妹家水村山驛。日暮行雲無氣力。錦字偷裁。立盡西風。鴈不來。

稼軒長短句卷之十二

歷城辛棄疾湯著

大梁李濂批評

歷城王詔校刊

南歌子

山中夜坐

李評曰無窮感慨

世事從頭減。秋懷徹底清。夜深猶送枕邊聲。試問清

溪底事未能平。月到愁邊白鷄先遠處鳴。是中無
有利和名。因甚山前未曉有人行。

獨坐蔗菴

李評曰絕妙好辭

玄入參同契。禪依不二門。細看斜日隙中塵。始覺人
間何處不紛紛。病笑春先到。閑知嬾是真。百般啼
鳥苦撩人。除却提壺此外不堪聞。

新開池戲作

李評曰有風致

散髮披襟處。浮瓜沉李杯。涓涓流水細侵階。鑿箇池
兒喚箇月兒來。畫棟頻搖動。紅蕖盡倒開。鬪勻紅
粉照香腮。有箇人人把做鏡兒猜。

醉太平

春景

態濃意遠。眉顰笑淺。薄羅衣窄絮風軟。鬢雲欺翠捲。
南園花樹春光暖。香徑裡榆錢滿。欲上鞦韆又驚
嬾。且歸休怕晚。

漁家傲

爲余伯熙察院壽信之讖云。水打烏龜石。三
台出此時。伯熙舊居城西直龜山之北。溪水
鑿山足矣。意伯熙當之耶。伯熙學道有新功。
一日語余云。溪上嘗得異石。有文隱然如記
姓名。且有長生等字。余未之見也。因其生朝。
姑撫二事爲詞以壽之。

道德文章傳幾世。到君合上三台位。自是君家門戶
事。當此際。龜山正抱西江水。三萬六千排日醉。鬢
毛只忘青青地。江裡石頭爭獻瑞。分明是中間有箇

長生字

錦帳春

杜叔高席上

李評曰佳

春色難留。酒杯常淺。更舊恨新愁相間。五更風千里。
夢看飛紅幾片。這般庭院。幾許風流。幾般嬌嬾。問
相見何如。不見燕飛忙。鶯語亂。恨重簾不捲。翠屏平
遠。

太常引

建康中秋夜爲呂潛叔賦

李評曰末翻杜句更佳

一輪秋影轉金波。飛鏡又重磨。把酒問姮娥。被白髮、欺人奈何。乘風好去，長空萬里，直下看山河。斫去桂婆娑。人道是、清光更多。

壽韓南澗尚書

李評曰頌而不諛

君王着意履聲聞。便合押紫宸班。今代又尊韓道吏。鄧文章、泰山一杯千歲。問公何事，早伴赤松閑功。

業後來看。似江左風流謝安。

賦十四絃

李評曰奇絕

仙機似欲織纖羅。髮鬢度金梭。無奈玉纖何。却彈作、清商恨多。朱簾影裡，如花半面，絕勝隔簾歌。世路苦風波。且痛飲、公無渡河。

壽趙晉臣敷文

論公耆德舊宗英。吳季子百餘齡。奉使老於行。更有舞聽歌最精。須同衛武九十入相。菡竹自青青。富

貴山長生記門外清溪姓彭彭溪晉臣居也

東坡引

閨怨

李評曰以下三闕皆麗曲也可
以想見此老之風流矣

玉纖彈舊怨。還敲繡屏面。清歌自送西風馬。馬行吹
字斷。馬行吹字斷。夜深拜半月。瑣窗西畔。但桂影
空階滿。翠帷自掩無人見。羅衣寬一半。羅衣寬一半。

又

君如梁上燕。妾如手中扇。團團青影雙雙伴。秋來腸

欲斷。秋來腸欲斷。黃昏泪眼。青山隔岸。但咫尺如
天遠。病來只謝傍人勸。龍華三會願。龍華三會願。

又

花稍紅未足。條破驚新綠。重簾下。徧闌干曲。有人春
睡熟。有人春睡熟。鳴禽破夢。雲偏目。覺起來香腮
褪紅玉。花時愛與愁相續。羅裙過半幅。羅裙過半幅。

夜遊宮

苦俗客

幾箇相知可喜。才厮見。說山說水。顛倒爛熟。只這是

卷十二 五
怎奈何一回說一回笑。有箇尖新底說底話。非名
非利說的口乾。罪過你且不罪。俺畧起去洗耳。

戀繡衾

無題

李評曰讀罷令人捧腹絕倒

長夜備冷添被兒。枕頭兒移了又移。我自是笑別人
底却元來當局者迷。如今只恨因緣淺。也不會抵
死恨伊。合手下安排了。那筵席湏有散時。

杏花天

無題

李評曰麗而妍

病來自是於春嬾。但別院笙歌一片。蛛絲網遍玻璃
盞。更問舞裙歌扇。有多少鶯愁蝶怨。甚夢裏春歸
不管。楊花也咲人情淺。故故沾衣撲面。

又

牡丹昨夜方開遍。畢竟是今年春晚。荼蘼付與薰風
管。燕子忙時鶯嬾。多病起日長人倦。不待得酒闌
歌散。剛能得見茶甌面。却早安排腸斷。

嘲牡丹

牡丹比得誰顏色。似宮中太真第一。漁陽鼙鼓邊風
急。人在沉香亭北。買我池館多何益。莫虛把千金地
擲。若教解語應傾國。一箇西施也得

唐河傳

傲花間體

李評曰此老善作麗語

春水千里孤舟浪起。夢携西子。覺來村巷夕陽斜。幾
家短牆紅杏花。晚雲做造。兒雨折花去。岸上誰

家女。太顛狂那邊。柳線被嵐吹上天

醉花陰

為人壽

李評曰作

黃花謾說年年好。也趁秋光老。綠鬢不驚秋。若闔尊
前人好花堪咲。蟠桃結子知多少。家住三山島。何
日跨飛鸞。滄海飛塵人世因緣了

品令

族姑慶八十來索俳語

更休說便是箇住世觀音菩薩。甚今年容貌八十歲。
見底道。纔十八。莫獻壽星香燭。莫祝靈椿龜鶴。只
消得把筆輕輕去十字上添一撇。

惜分飛

春思

李評曰多情語

翡翠樓前芳草路。寶馬墜鞭暫駐。最是周郎顧。幾度
歌聲誤。望斷碧雲空日暮。流水桃源何處。聞道春
歸去。更無人管。飄紅雨。

柳梢青

和范先之席上賦牡丹

李評曰雅調

姚魏名流。年年攬斷。雨恨風愁。解釋春光。剩須破費
酒令詩籌。玉肌紅粉。溫柔更染。盡天香未休。今夜
簪花。他年第一。玉殿東頭。

三山歸途代白鷗見嘲

李評曰題目已自奇而詞又奇

白鳥相迎。相憐相笑。滿面塵埃。華髮蒼顏。去時曾勸

聞早歸來而今豈是高懷為千里尊羹計哉好把
移文從今日日讀取千回

辛酉生日前兩日夢一道士話長年之術夢
中痛以理折之覺而賦八難之辭

李評曰陽春白雪和之亦難

莫鍊丹難。黃河可塞金可成難。休辟穀難。吸風飲露
長忍飢難。勸君莫遠遊難。何處有西王母難。休采
藥難。人沉下土我上天難。

河瀆神

女城祠効花間體

芳草綠萋萋。斷腸絕浦相思。山頭人望翠雲旗。蕙肴
桂酒君歸。惆悵畫簷雙燕舞。東風吹散靈雲香火。
冷淺簫鼓斜陽門外今古。

武陵春

春興

桃李風前多嫵媚。楊柳更溫柔。喚取笙歌爛熳遊。且
暮管閒愁。好趁晴時連夜賞。雨便一春休。草草杯
盤不要收。說說又扶頭。

又

走去走來三百里。五日以為期。六日歸時已是疑。應是望多時。鞭箇馬兒歸去也。心急馬行遲。不免相煩喜鵲兒。先報那人知。

謁金門

無題

遮索月。雲外金蛇明滅。翻樹啼鴉聲未徹。雨聲驚落葉。宝炬成行。嫌執玉腕。縈絲誰雪。流水高山。絃斷絕。怒蛙聲自咽。

又

山吐月。畫燭從教風滅。一曲琵琶。統聽徹。金蕉三兩葉。驟雨微涼。遠熱似欠舞瓊歌雪。近日醉鄉音問絕。有時清淚咽。

又

歸去未。風雨送春行李。一枕離愁。頭徹尾。如何消遣是。遙想歸舟天際。綠鬢龍墀慵理。好夢未成鶯喚起。粉香猶有殢。

酒泉子

無題

流水無情朝到空城頭。盡白離歌一曲。怨殘陽。斷人
東風官柳舞。雕牆三十六宮。花濺淚。春聲何處
說興亡。燕雙雙。

霜天曉角

旅興

吳頭楚尾。一棹人千里。休說舊愁新恨。長亭今如此
宦游吾倦矣。玉人留我醉。明日落花寒食。得且佳
為佳耳。

又

暮山層碧。掠岸西風急。一葉軟紅深處。不是利名客
玉人還佇立。綠窓生怨泣。萬里衡陽歸恨。先倩鴈
寄消息。

點絳脣

留博山寺。聞光風主人徵恙而歸時春漲斷
橋

隱隱輕雷。雨聲不受春回護。落梅如許。吹盡牆邊去
春水無情礙。斷溪南路。憑誰訴。寄聲傳語。沒箇人

知處

又

李評曰妙妙

身後虛名。古來不換生前醉。青鞋自喜不踏長安市。
竹外僧歸。路指霜鍾寺。孤鴻起。丹青手裏。剪破松江
水。

生查子

山行寄楊民瞻

李評曰佳

昨宵醉裏行。山吐三更月。不見可憐人。一夜頭如雪。
今宵醉裏歸。明月關山笛。收拾錦囊詩。要寄楊雄
宅。

民瞻見和再用韻

誰傾滄海珠。歛弄下明月。喚取酒邊來。軟語裁春雪。
人間無鳳凰。空費穿雲笛。醉裏却歸來。松菊陶潛
宅。

有覓詞者為賦

李評曰結語更佳

去年燕子來繡戶深深處。花徑得泥歸。都把琴書污。
今年燕子來。誰聽呢喃語。不見捲簾人。一陣黃昏
雨。

獨遊西巖

李評曰不食煙火食乃有此語

溪水照影行。天在清溪底。天上有行雲。人在行雲裏。
高歌誰和余。空谷清音起。非鬼亦非僊。一曲桃花
水。

又

青山招不來。偃蹇誰憐汝。歲晚太寒生。喚我溪邊住。
山頭明月來。本在天高處。夜夜入清溪。聽讀離騷

去

又

青山非不佳。未解留儂住。赤脚踏層冰。爲愛青溪故。
朝來山鳥啼。勸上山高處。裁意不關渠。自在尋詩
去。

簡吳子似縣尉

李評曰辛君志操於茲見之

高人千丈崖。太古儲冰雪。六月火雲時。一見森毛髮。
俗人如盜泉。照影成昏濁。高處掛吾瓢。不飲吾寧渴。

和趙晉臣敷文春雪

李評曰二闋皆佳

浸天春雪乘纒抵梅花半。最愛雪邊人。此此裁成亂
雪兒。偏解歌。只要金杯滿。誰道雪天寒。翠袖闌干

又

梅子褪花時。直與黃梅接。烟雨幾曾開。一春江裏活
富貴使人忙。也有閑時節。莫作路旁花。長教人看

題京口郡治塵表亭

李評曰善叙禹功

悠悠萬世功。矻矻當年苦。魚自入深淵。人自居平土。
紅印又西沉。白浪長東去。不是堯夫金山。我自思量

禹

尋芳草

嘲陳辛叟憶內

有得許多泪。更閑却許多鴛被。枕頭兒放處都不是。舊家時怎生睡。更也沒書來。那堪被鴈兒調戲道。無書却有書中意。排幾個人人字。

阮郎歸

來陽道中爲張處父推官賦

李評曰佳

山前燈火欲黃昏。山頭來去雲。鷓鴣聲裏數家村。滿
湘逢故人。揮羽扇。整綸巾。少年鞍馬塵。如今憔悴

賦招魂。儒冠多誤身。

昭君怨

豫章寄張守定叟

李評曰妙作

長記瀟湘秋。悅歌舞橘洲人散。走馬月明中。折芙蓉
今日西山南浦。畫棟朱簾。雲雨風景。不爭多。奈愁何

送晁楚老遊荆門

李評曰悽楚

夜雨剪殘春。韭明日重斟別酒。君去問曹擘。好公安
試看如今白髮。却爲中年離別。風雨正崔嵬。早歸來

又

人面不如花面。花到開時重見。獨倚小闌干。許多山。
落花西風時候。人共青山都瘦。說到夢陽臺。幾曾來。

烏夜啼

山行約范先生之不至

李評曰以下二闕並妙

江頭醉倒山公。月明中。記得昨宵歸路笑兒童。溪
欲轉。山已斷。兩三松。一段可憐風月欠詩翁。

先之見和復用韻

人言我不如公。酒杯中。更把平生湖海問兒童。千
尺蔓。雲葉亂。繫長松。却笑一身纏繞似衰翁。

又

李評曰更妙

晚花露葉風條。燕燕高。行過長廊西畔小紅橋。歌
再唱。人再舞。酒纔消。更把一杯重勸摘櫻桃。

一絡索

閨思

李評曰此老善作麗語

羞見鑑鸞孤。却倩人梳掠。一春長是為花愁。甚夜夜
東風惡。行透翠簾珠箔。錦成誰記。玉觴淚滿。却停
觴。怕酒似郎情薄。

信守王道夫席上用 達夫賦金林擒韻

錦帳如雲處。高不知重。數夜深。銀燭淚成行。等都把
心期付。莫待燕飛泥污。問花花訴。不知花定有情
無。似却怕新詞妬。

如夢令

賦梁燕

燕子幾曾歸去。只在翠巖深處。重到更不關。誰與舊
巢為主。深許深許。聞道鳳凰來住。

憶王孫

秋江送別 集古句

李評曰絕妙

登山臨水送將歸。悲莫悲兮生別離。不用登臨怨落
暉。昔人非。惟有年年秋鳳飛。



卷三
五

